

कुल रो कारण सन्तों है नहीं देसी भजन लिरिक्स



कुल रो कारण सन्तों है नहीं,

दोहा – सतगुरु बिन सोजी नहीं,
और सोजी सब घट माय,
रज्जब मक्की रे खेत में,
चिड़िया ने गम नाय।

कुल रो कारण सन्तों है नहीं,
सिंवरे ज्यारो साईं रे,
सिंवरू सिंवरू नर निर्भय भया,
देवा दरसिया घट माही रे,
कुल रो कारण सन्तो है नहीं।bd।

रिख इठियासी तापता,
एकण वन माही रे,
ज्यांमे तापे रे शबरी भीलणी,
त्यांमे अंतर नाही रे,
कुल रो कारण सन्तो है नहीं।bd।

किस्तूरी मूंगे मोल री,
राखे ज्यारे रेही रे,
लखपतियों रे लादे नहीं,
वे कद रे मोलाई रे,
कुल रो कारण सन्तो है नहीं।bd।

भ्रांत पड़ी संसार में,
नर सुद्र कमाई रे,
उत्तम साहिब रो नाम है,
बाकी मिदम बणायी रे,
कुल रो कारण सन्तो है नहीं।bd।

भक्ति कमाई रविदास जी,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



गुरु भेटिया मीरां बाई रे,
राणा जी परचो माँगियो,
गंगा आई कुंड माही रे,
कुल रो कारण सन्तो है नही।bd।

रामदास जी हर ने भेटिया,
खेडापे माही रे,
राजा प्रजा निवण करे,
साँची राम सगाई रे,
कुल रो कारण सन्तो है नही।bd।

कुल रो कारण सन्तो है नहीं,
सिंवरे ज्यारो साँई रे,
सिंवरू सिंवरू नर निर्भय भया,
देवा दरसिया घट माही रे,
कुल रो कारण सन्तो है नही।bd।

गायक – प्रेम नाथ जी।
प्रेषक – रामेश्वर लाल पँवार।
आकाशवाणी सिंगर।
9785126052
